

etiam ad rixas tendere. *Sp.* Hoc crebro fit apud nos: quid tum faciendum? *Ap.* Accipe rem mihi multo usu compertam. *Sp.* Exspecto. *Ap.* Inducito duos mimos, sive * γελοῦποιους, qui sine voce ridiculum aliquod argumentum gesticulatione repræsentent. *Sp.* Cur sine voce? *Ap.* Ut par sit omnium voluntas, aut nihil loquantur, aut lingua loquantur omnibus æq; ignota; gestibus loquentes, omnes pariter intelligent. *Sp.* Quod argumentum mihi narras, non satis intelligo. *Ap.* Sunt innumera, puta uxorem decertantē cum marito de principatu, aut simile quippiam è media vita. Quo magis erit ridicula saltatio, hoc plus erit omnibus voluptatis. Hos oportet esse semifatuos; alioqui qui plane fatui sunt, quædam interdum effutiant imprudentes, quæ lædunt. *Sp.* Ita tibi precor semper propitium Comum, ut mihi dedisti fidele consilium. *Ap.* Addam coronidem, quin potius repetam, quod initio dixeram; Ne nimium sis anxius, ut placeas omnibus, non heictantum, sed in omni vita; atque ita fiet, ut citius placeas in omnibus: optimum enim in vita, Ne quid nimis.

Γελοῦποιους] Id est, risus excitatores, fictos πορριους.

De rebus ac Vocabulis.

BEATUS, BONIFACIUS.

Be. S Alvus sit Bonifacius. *Bo.* Etiam atque etiam salvus sit Beatus. Sed utinā essemus uterque quod dicimur, tu dives, ego formosus. *Be.* Itane parum tibi videtur, habere

I i 4

nomen